

"Қазақстан Республикасы Жоғарғы Сотының жаңындағы Соттардың қызметін қамтамасыз ету департаменті (Қазақстан Республикасы Жоғарғы Сотының аппараты) туралы ережені бекіту туралы" Қазақстан Республикасы Президентінің 2010 жылғы 3 қарашадағы № 1093 Жарлығына өзгеріс енгізу туралы

Күшін жойған

Қазақстан Республикасы Президентінің 2013 жылғы 3 қазандағы № 660 Жарлығы. Күші жойылды - Қазақстан Республикасы Президентінің 2023 жылғы 19 қаңтардағы № 106 Жарлығымен

Ескерту. Күші жойылды – ҚР Президентінің 19.01.2023 № 106 Жарлығымен.

"Қазақстан Республикасының сот жүйесі мен судьяларының мэртебесі туралы" 2000 жылғы 25 желтоқсандағы Қазақстан Республикасы Конституциялық заңының 56-бабының 3-тармағына сәйкес **ҚАУЛЫ ЕТЕМІН**:

1. "Қазақстан Республикасы Жоғарғы Сотының жаңындағы Соттардың қызметін қамтамасыз ету департаменті (Қазақстан Республикасы Жоғарғы Сотының аппараты) туралы ережені бекіту туралы" Қазақстан Республикасы Президентінің 2010 жылғы 3 қарашадағы № 1093 Жарлығына (Қазақстан Республикасының ПУАЖ-ы, 2010 ж., № 60, 589-күжат; 2012 ж., № 54, 717-күжат) мынадай өзгеріс енгізілсін:

атаған Жарлықпен бекітілген Қазақстан Республикасы Жоғарғы Сотының жаңындағы Соттардың қызметін қамтамасыз ету департаменті (Қазақстан Республикасы Жоғарғы Сотының аппараты) туралы ереже осы Жарлыққа қосымшаға сәйкес жаңа редакцияда жазылсын.

2. Осы Жарлық қол қойылған күнінен бастап қолданысқа енгізіледі.

Қазақстан Республикасының

Президенті

Н. Назарбаев

Қазақстан Республикасы

Президентінің

2013 жылғы 3 қазандығы

№ 660 Жарлығына

ҚОСЫМША

Қазақстан Республикасы

Президентінің

2010 жылғы 3 қарашадағы

№ 1093 Жарлығымен

БЕКІТІЛГЕН

Қазақстан Республикасы Жоғарғы Сотының жанындағы Соттардың қызметін қамтамасыз ету департаменті (Қазақстан Республикасы Жоғарғы Сотының аппараты) туралы

ЕРЕЖЕ

1. Жалпы ережелер

1. Қазақстан Республикасы Жоғарғы Сотының жанындағы Соттардың қызметін қамтамасыз ету департаменті (Қазақстан Республикасы Жоғарғы Сотының аппараты) (бұдан әрі - Департамент) Қазақстан Республикасы Жоғарғы Сотының, облыстардағы, астанадағы және республикалық маңызы бар қалалардағы аумақтық бөлімшелері бар (сот кеңселері бар) жергілікті және басқа да соттардың (бұдан әрі - соттар кеңселерінің) қызметін ұйымдық және материалдық-техникалық қамтамасыз етуді жүзеге асыратын Қазақстан Республикасының мемлекеттік органы болып табылады.

2. Департамент өз қызметін Қазақстан Республикасының Конституциясына, "Қазақстан Республикасының сот жүйесі мен судьяларының мэртебесі туралы" Қазақстан Республикасының Конституциялық заңына, Қазақстан Республикасының заңдарына, Қазақстан Республикасының Президенті мен Үкіметінің актілеріне, өзге де нормативтік құқықтық актілерге, осы Ережеге, сондай-ақ Қазақстан Республикасы Жоғарғы Соты Төрағасының өкімдеріне сәйкес жүзеге асырады.

3. Департамент мемлекеттік мекеме ұйымдық-құқықтық нысанындағы заңды тұлға болып табылады, мемлекеттік тілде өз атауы бар мөрлері мен мөртаңбалары, белгіленген үлгідегі бланқілері, Қазақстан Республикасының заңнамасына сәйкес қазынашылық органдарында шоттары болады.

4. Департамент азаматтық-құқықтық қатынастарға өз атынан түседі.

5. Департаментке заңнамаға сәйкес уәкілеттік берілсе, оның мемлекет атынан азаматтық-құқықтық қатынастардың тарапы болуға құқығы бар.

6. Департамент өз құзыретіндегі мәселелер бойынша заңнамада белгіленген тәртіппен Департамент басшысының бұйрықтарымен және өкімдерімен ресімделетін шешімдер қабылдайды.

7. Департаменттің құрылымы мен штат кестесін Қазақстан Республикасының Президенті бекіткен штат саны лимитінің шегінде Департамент басшысының ұсынымы және Қазақстан Республикасының Президенті Әкімшілігінің келісімі бойынша Қазақстан Республикасы Жоғарғы Сотының Төрағасы бекітеді.

8. Заңды мекен-жайы: 010000, Астана қаласы, Есіл өзенінің сол жақ жағалауы, Дінмұхamed Қонаев көшесі, 39.

9. Департаменттің толық атауы - "Қазақстан Республикасы Жоғарғы Сотының жанындағы Соттардың қызметін қамтамасыз ету департаменті (Қазақстан Республикасы Жоғарғы Сотының аппараты)" мемлекеттік мекемесі.

10. Осы Ереже Департаменттің құрылтай құжаты болып табылады.

11. Департаменттің қызметін қаржыландыру республикалық бюджеттен жүзеге асырылады.

12. Департаментке өзінің функциялары болып табылатын міндеттерді орындау жөнінде кәсіпкерлік субъектілерімен шарттық қатынастарға түсіне тыйым салынады.

2. Департаменттің миссиясы, негізгі міндеттері, функциялары, құқықтары мен міндеттері

13. Департаменттің миссиясы сот төрелігін жүзеге асыруды қамтамасыз етуге жағдай жасау болып табылады.

14. Қазақстан Республикасы Жоғарғы Сотының, жергілікті және басқа да соттардың қызметін ұйымдық және материалдық-техникалық қамтамасыз ету негізгі міндеті болып табылады.

15. Функциялары:

1) соттардың қызметін материалдық-техникалық қамтамасыз ету;

2) судьялардың сот төрелігін жүзеге асыру жөніндегі қызметін ұйымдастыруды қамтамасыз ету;

3) заңнамаға сәйкес Қазақстан Республикасы Жоғары Сот Кеңесінің жанындағы Біліктілік комиссиясының қызметін қаржылай және материалдық-техникалық қамтамасыз ету жөніндегі шараларды жүзеге асыру;

4) сот приставарының қызметіне ұйымдық және әдістемелік басшылық жасауды жүзеге асыру;

5) Қазақстан Республикасы Президентінің Әкімшілігіне сот төрелігін жүзеге асырудың, Қазақстан Республикасы Жоғарғы Сотының, жергілікті және басқа да соттардың қызметін ұйымдық, материалдық-техникалық және өзге де қамтамасыз етудің жай-куйі туралы ақпарат дайындау;

6) Қазақстан Республикасы Жоғарғы Соты Төрағасының, Сот жюриінің, Қазақстан Республикасы Жоғарғы Соты органдарының жұмысын ұйымдастыруды қамтамасыз ету;

7) Қазақстан Республикасы Жоғарғы Сотының Төрағасы, Қазақстан Республикасы Жоғарғы Сотының жалпы отырысы қабылдаған шешімдердің орындалуын қамтамасыз ету;

8) Қазақстан Республикасы Жоғарғы Сотының Төрағасына жергілікті және басқа да соттарды құру, қайта ұйымдастыру не тарату туралы ұсыныстар енгізу;

9) Қазақстан Республикасының Президенті бекіткен штат саны лимиті шегінде әрбір жергілікті және басқа да соттың судьяларының санын белгілеу туралы Қазақстан Республикасы Жоғарғы Сотының Төрағасына ұсынымдар енгізу;

10) судьялар мен сот қызметкерлері жүктемелерінің нормативтерін әзірлеу;

11) соттардың, Департаменттің және соттар кеңселерінің ғимараттарын, Үй-жайларын салуды, жөндеуді және техникалық жабдықтауды ұйымдастыру;

12) соттар кеңселерінің және Департаментке ведомстволық бағынысты ұйымдардың бюджет қаражатын жұмсауына бақылауды жүзеге асыру, олардың қаржы-шаруашылық қызметіне бақылау жасау;

13) құқықтық статистика және арнайы есепке алу саласындағы уәкілетті органға құқықтық статистикалық құжатталған ақпарат ұсыну;

14) Қазақстан Республикасының заңнамасына сәйкес ведомстволық құқықтық статистикалық бақылаулар жүргізу және қызметтік іс-қимылды қамтамасыз етуге арналған ведомстволық есепке алуды жүргізу;

15) судьялар мен сот қызметкерлерінің жеке есебін жүргізу;

16) судьяларды, оның ішінде орнынан түскен судьяларды заңнамага сәйкес материалдық және әлеуметтік қамтамасыз етуді ұйымдастыру;

17) нормативтік құқықтық актілердің жобаларын әзірлеуге және оларға құқықтық сараптама жасауға өз құзыреті шегінде қатысу;

18) сот жүйесін ақпараттық-құқықтық қамтамасыз ету, заңнаманы жүйелеу және кодификациялау;

19) іс қағаздарын жүргізуді және соттар мұрағаттарының жұмысын ұйымдастыру;

20) Қазақстан Республикасы Жоғарғы Сотының басқа да мемлекеттік органдармен, басқа мемлекеттердің соттарымен, халықаралық және өзге де ұйымдармен өзара байланысын ұйымдастыруды қамтамасыз ету;

21) сот органдарында мемлекеттік құпиялар мен ақпараттық қауіпсіздікті қорғау жөніндегі жұмысты қамтамасыз ету;

22) сот органдарынан шығатын ресми құжаттарға Қазақстан Республикасының заңнамасына сәйкес апостиль қою;

23) соттардың шешімдері мен өзге де ресми құжаттарын орындауға байланысты Қазақстан Республикасы соттарының, шетелдік мемлекеттер соттарының тапсырмалары, жеке және занды тұлғалардың өтініштері бойынша Қазақстан Республикасы ратификациялаған халықаралық шарттар шегінде құқықтық көмек көрсетуді ұйымдастыру;

24) сот окуы, судьялардың, сот қызметкерлерінің біліктілігін арттыру және олардың тағылымдамадан өтуі жөніндегі жұмысты ұйымдастыру;

25) жеке және занды тұлғалардың өтініштерін қарау;

26) өзіне Қазақстан Республикасының заңнамасымен жүктелген өзге де функцияларды жүзеге асыру.

16. Өз құзыретінің шегінде құқықтары мен міндеттері:

1) мемлекеттік органдардан, ұйымдардан және лауазымды адамдардан қажетті құжаттар мен материалдарды белгіленген тәртіппен сұрату;

2) соттар кеңселерінде және ведомстволық бағынысты ұйымдарда тексеру жүргізу;

3) заң жобалау, сараптама, зерттеу жұмыстарын орындау және консультациялар беру үшін белгіленген тәртіппен ғылыми ұйымдарды, мемлекеттік және өзге де органдардың, мекемелер мен ұйымдардың қызметкерлерін, мамандар мен сарапшыларды тарту;

4) Қазақстан Республикасы Жоғарғы Соты Төрағасымен келісім бойынша Қазақстан Республикасының Үкіметіне судьялар мен сот қызметкерлерінің еңбегін қорғау, оларды материалдық және әлеуметтік қамтамасыз ету мәселелері бойынша ұсыныстар енгізу;

5) мемлекеттік органдардың иелігіндегі ақпараттық дерекқорды заңнамада белгіленген тәртіппен пайдалану;

6) Департаментке жүктелген міндеттер мен функциялардың іске асырылуын қамтамасыз ету;

7) Қазақстан Республикасының заңнамасын сақтау;

8) сыйбайлас жемқорлыққа қарсы іс-қимыл жасау бойынша жұмысты қамтамасыз ету;

9) ұйымдар мен азаматтардың өтініштерін қабылдау және қарau;

10) Қазақстан Республикасының заңнамасында көзделген өзге де құқықтар мен міндеттерді жүзеге асыру.

3. Департаменттің қызметін ұйымдастыру

17. Департаментке басшылықты Басшы жүзеге асырады, ол Департаментке жүктелген міндеттердің орындалуы және оның өз функцияларын жүзеге асыруы үшін дербес жауапкершілік алады.

18. Департамент басшысын Қазақстан Республикасы Президентінің Экімшілігі Басшысымен және Қазақстан Республикасы Жоғары Сот Кеңесімен келісім бойынша Қазақстан Республикасы Жоғарғы Сотының Төрағасы лауазымға тағайындейді және лауазымнан босатады.

19. Департамент басшысының Қазақстан Республикасы Президентінің Экімшілігі Басшысымен келісім бойынша Қазақстан Республикасы Жоғарғы Сотының Төрағасы лауазымға тағайындастырын және лауазымнан босататын орынбасарлары болады.

20. Департамент басшысының өкілеттіктері:

1) заңнамада белгіленген тәртіппен Департаменттің құрылымдық бөлімшелерінің басшылары мен қызметкерлерін, ведомстволық бағынысты ұйымдардың басшылары мен олардың орынбасарларын, сottар кеңселерінің басшылары мен олардың орынбасарларын лауазымға тағайындауды және лауазымнан босатады;

2) Департаментте сыйайлас жемқорлыққа қарсы іс-қимылға бағытталған шаралар қабылдайды және сыйайлас жемқорлыққа қарсы қабылданған шаралар үшін дербес жауапкершілік алады;

3) Департамент қызметкерлерінің, сottар кеңселерінің басшылары мен олардың орынбасарларының лауазымдық нұсқаулықтарын бекітеді;

4) Қазақстан Республикасы Жоғарғы Сотының Төрағасына өзінің орынбасарларына қатысты көтермелеге, оларға материалдық көмек көрсету туралы ұсыныстар енгізеді, сондай-ақ заңнамада белгіленген тәртіппен оларды тәртіптік жауапкершілікке тарту мәселесін көтереді;

5) заңнамада белгіленген тәртіппен Департаменттің құрылымдық бөлімшелерінің басшылары мен өзге қызметкерлерін, сottар кеңселерінің басшылары мен олардың орынбасарларын көтермелеге немесе оларға тәртіптік жаза қолдану мәселелерін шешеді;

6) заңнамада белгіленген тәртіппен Департаменттің құрылымдық бөлімшелерінің басшылары мен өзге қызметкерлеріне материалдық көмек көрсету мәселелерін шешеді;

7) мемлекеттік органдармен, жеке және заңды тұлғалармен өзара қарым-қатынаста Департамент атынан өкілдік етеді;

8) Департаменттің құрылымдық бөлімшелері туралы ережелерді және сottар кеңселері туралы үлгілік ережені бекітеді;

9) Қазақстан Республикасы Жоғарғы Сотының Төрағасын, Қазақстан Республикасы Жоғарғы Сотының жалпы отырысын Департаменттің жұмысы туралы хабардар етеді;

10) сottар мен Департаментті қаржыландыру мәселесі жөнінде Қазақстан Республикасы Жоғарғы Сотының Төрағасымен келісілген ұсыныстарды Қазақстан Республикасының Үкіметіне енгізеді;

11) заңнамада және осы Ережеде көзделген өзге де өкілеттіктерді жүзеге асырады.

Департаменттің басшысы болмаған кезеңде оның өкілеттіктерін қолданыстағы заңнамаға сәйкес оны алмастыратын адам жүзеге асырады.

21. Департамент басшысы Қазақстан Республикасы Жоғарғы Соты Төрағасымен келісім бойынша өз орынбасарларының өкілеттіктерін қолданыстағы заңнамаға сәйкес айқындайды.

4. Департаменттің мұлкі

22. Департаменттің жедел басқару құқығында оқшауланған мұлкі болады.

Департаменттің мұлкі оған меншік иесі берген мұлік, сондай-ақ өз қызметінің нәтижесінде сатып алынған мұлік және Қазақстан Республикасының заңнамасында тыйым салынбаған өзге де көздер есебінен қалыптастырылады.

23. Департаментке бекітілген мұлік республикалық меншікке жатады.

24. Егер заңнамада өзгеше белгіленбесе, Департамент өзіне бекітілген мұлікті және қаржыландыру жоспары бойынша өзіне берілген қаражат есебінен сатып алынған мұлікті өз бетімен иеліктен шығаруға немесе оған өзге де тәсілмен иелік етуге құқылы емес.

5. Департаментті қайта ұйымдастыру және тарату

25. Департаментті қайта ұйымдастыру және тарату Қазақстан Республикасының заңнамасына сәйкес жүзеге асырылады.

Департаменттің қарамағындағы ұйымдардың тізбесі

1. "ЗАң" медиа-корпорациясы" жауапкершілігі шектеулі серіктестігі (тең құрылтайшы).

2. "Қазақстан Республикасы Жоғарғы Соты әкімшілік ғимаратының дирекциясы" жауапкершілігі шектеулі серіктестігі.

Департаменттің қарамағындағы аумақтық органдардың тізбесі

1. Ақмола облыстық сотының кеңесі.

2. Ақтөбе облыстық сотының кеңесі.

3. Алматы облыстық сотының кеңесі.

4. Атырау облыстық сотының кеңесі.

5. Шығыс Қазақстан облыстық сотының кеңесі.

6. Жамбыл облыстық сотының кеңесі.

7. Батыс Қазақстан облыстық сотының кеңесі.

8. Қарағанды облыстық сотының кеңесі.

9. Қызылорда облыстық сотының кеңесі.

10. Қостанай облыстық сотының кеңесі.

11. Маңғыстау облыстық сотының кеңесі.

12. Павлодар облыстық сотының кеңесі.

13. Солтүстік Қазақстан облыстық сотының кеңесі.

14. Оңтүстік Қазақстан облыстық сотының кеңесі.

15. Астана қалалық сотының кеңесі.

16. Алматы қалалық сотының кеңесі.

© 2012. Қазақстан Республикасы Әділет министрлігінің «Қазақстан Республикасының Заннама және
құқықтық ақпарат институты» ШІЖКРМК